

DŽEMAL SMAJIĆ

Delegat u Domu naroda Parlamentarne skupštine BiH



**BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO**

Broj:

Sarajevo: 22. 11. 2023.

PRIMLJENO: 22. 11. 2023 10:41			
Organizaciona jedinica	Klasifikaciona oznaka	Redni broj	Broj priloga
02-	50-6-	16-11/20	

**PARLAMENTARNA SKUPŠTINA BOSNE I HERCEGOVINE
DOM NARODA**

n/r predsjedavajućeg Kemala Ademovića

Predmet: Najava usmenog delegatskog pitanja predsjedavajućoj Vijeća ministara Bosne i Hercegovine

U skladu sa članom 155. i 156. Poslovnika Doma naroda Parlamentarne skupštine Bosne i Hercegovine ("Službeni glasnik BiH", br. 58/14, 88/15, 96/15 i 53/16), najavljujem postavljanje usmenog delegatskog pitanja na 11. sjednici Doma naroda Parlamentarne skupštine Bosne i Hercegovine koja će biti održana 23.11.2023.

DELEGATSKO PITANJE

Na koji način se trenutno u Bosni i Hercegovini vrši mjerenje televizijske gledanosti, na kojim zakonskim osnovama se temelji, odnosno je li ono usklađeno sa regulativom Evropske unije i najboljom praksom država članica Unije?

Obrazloženje:

Posljednjih sedmica primio sam veliki broj poziva i upita zainteresiranih TV stanica i marketinških agencija iz naše zemlje. Upoznat sam i sa zaključcima Skupštine Udružene medijske Industrije (UMI) koji su upućeni Vijeću ministara krajem septembra. Veoma su zabrinuti.

Uobičajena praksa u svijetu je da marketinške agencije raspodjelu marketinških budžeta od međunarodnih i domaćih klijenata vrše na osnovu rezultata gledanosti TV programa.

Prema Informacijama kojima raspolažem ekskluzivitet za provođenje mjerenja gledanosti u BiH ima jedna kompanija AM čiji je osnivač s Kipra. To joj je obezbijeđeno na način da je krajem 2012. godine državni Institut za mjeriteljstvo potpuno netransparentno, a vjerovatno i nelegalno donio Naredbu po kojoj se proglasio nadležnim za pitanja mjerenja gledanosti TV programa u BiH, protivno evropskoj i svjetskoj praksi. Tom Naredbom i pripadajućim Aneksom

2012. godine državni Institut za mjeriteljstvo potpuno netransparentno, a vjerovatno i nelegalno donio Naredbu po kojoj se proglasio nadležnim za pitanja mjerenja gledanosti TV programa u BiH, protivno evropskoj i svjetskoj praksi. Tom Naredbom i pripadajućim Aneksom tzv. Pipmetar (uređaj za mjerenje gledanosti TV programa) uvršten je među, pazite sad, mjerila vremena. Sve ovo se zaključuje i u Informaciji sa 82. Sjednice Vijeća ministara održane 23.11.2016.

Dalje, aktualno rukovodstvo Instituta nedavno je donijelo novi Pravilnik i Naredbu, koji regulišu ovu oblast, čime je u konačnici u potpunosti pred kolapsom cijela oblast mjerenja TV gledanosti čak i ovakva kakva je sada. Ovo će, sasvim izvjesno, značiti kraha velikog dijela industrije i izgledno gubitak velikog broja radnih mjesta.

Ovdje želim napomenuti i to da trenutno niti jedna ozbiljna i respektabilna svjetska agencija koja se bavi istraživanjem i mjerenjem gledanosti TV programa ne želi taj posao raditi u Bosni i Hercegovini, jer bi to bilo, kako kažu, suprotno svim standardima i praksi zemalja u kojima se vrši ova vrsta mjerenja.

Očito je izlaz u deregulaciji, stavljanju van snage podzakonskih akata kojima je ova oblast regulisana, odnosno u usklađivanju ove oblasti sa najboljom praksom iz država Evropske unije.

Pitanje upućujem predsjedavajućoj Vijeća ministara BiH.

Delegat u Domu naroda
Parlamentarne skupštine BiH
Džemal Smajić

